

DOMINGU XXIV TEMPU KOMÚN – TINAN B

Iha ema barak e oitoan nia leet, ita hotu fo liman ba malu hodi moris tuir moris sarani no maske dala ruma sei hela iha sala. Dala ruma, ida ne'e bele liu fali ba ida neba; basa, ho lalais ita haluha tau matan lolos no hamutuk iha moris ne'ebè ita hela ba. Hodi tama iha moris ida ne'e, mosu tulun malu lolos ne'ebè tuir justisa ita hakarak moris ba.

Sai husi sala, mosu mai bain-bain husi hakribit salan, ne'ebè tuir mai fo perdua. Ho perdua deit, mak ema bele hetan perdua. Wainhira ó buka halao hamutuk ho ema seluk, ema seluk mos sei buka halao hamutuk ho ó. Na'i perdua ami, hanesan ami perdua ema seluk. Perdua ho domin mak hahalok kmanek wain tebes, ne'ebè Jezus rasik haraik hela mai ita. No Eskolante laos boot liu nia Mestre. Nia be saran-an ba mate hodi hasa'e sakrifisiu tan ema sira ne'ebè rai kunan ba Nia no hodi fo mate ba Nia.

PRIMEIRA LEITURA HUSI LIVRO PROFETA ISAIAS 50:5-9

Ho fiar Profeta Isaias harohan atu Maromak loke nia tilun. Maske iha ema a'at sira haleu nia maibe ho aten brani tau laran metin iha Na'i katak; Na'i Maromak mai tulun duni hau, tan ne'e hau la moe. Ho fiar katak ema ida ne'ebè tahan hau nia besik hela hau. Bainhira fiar iha Maromak maske iha mundu akontese buat oin-oin ita la tauk atu bele hasoru tanba iha ita nia Na'i ne'ebè fo kbiit nafatin mai ita iha momentu ida-ida. Na'i hadomi no tau matan nafatin ba Nia oan sira ne'ebè halerik ba Nia iha momentu susar. Na'i deit mak boot liu buat hotu iha mundu ne'e.

SEGUNDA LEITURA HUSI SAUN TIAGO NIA SURAT 2:14-18

Iha segunda leitura iha perguntas balun ne'ebè konvida tebes ita atu bele refilete; manan sa loos, ema ne'ebè dehan katak nia fiar, maibe la moris tuir nia fiar? Fiar ida hanesan ne'e oinsa bele soi nia? Maluk sira hahalok ho liafuan tenke lao hamutuk, tanba ita fo sasin kona ba ita nia fiar. Fiar iha ita nia-an, fiar iha ema seluk, halo ita besik liu ba Maromak.

EVANJELLU MC 8, 27-35

Reflesaun: Maske Jesus hatene lolos se mak nia no ninia misaun, maibe nia la dipende ba ema nia valor maibe nia mai ho signifikadu ba ema nia moris. Primeiru Jesus dehan: ema dehan katak Ha'u ne'e se? Ema bele fo signifikadu hanesan ema bele hatene no estuda kristolojia ka doutrina Igreja ka Katesismu kona ba se mak Jezus ne'ebè hanorin iha Igreja Santa. Perguntas daruak

ne'ebè la dauk importante hatudu ba ita ida-idak; no husi ó, se mak ha'u? Risposta ida ne'ebè ema ida bele dehan mak esperiensa pessoal ho Jesus. Se mak Jesus ba ha'u nia moris?

Pedro fo risposta ne'ebè los, maske nia presiza moris naruk hodi halo tuir no komprende signifikadu moris: ó mak Mesias, Maromak Oan ne'ebè moris. Hanesan Pedro, ita moos hola parte iha mistriu ukun no la folin iha Maromak nia oin. Hanesan Pedro, ne'ebè difisil atu simu terus, nia hola parte moos nu'udar Maromak Oan, ita moos sente hola parte iha realidade moris nian katak laiha salvasaun se laiha kruz. Tan liu husi esperiensa Kruz mak Maromak hatudu ninia domin konkretu no ita konese liu tan ninia prezensa iha ita ida-idak nia moris.

Ita agradese Na'i, tan Nia domin boot, husik mai ita Nia Oan mane ne'ebe terus, mate no moris hias atu salva ita. Ita hein no sente nafatin katak Ita bele lori ami besik liu tan iha Ita Boot. Amen.

(Husi sr Esmeralda Soares fma)